

Sran mmla mun be men nun jo bole

Ibo bole

Ke o fin ke sran kwakwa i sran bule o fin blolo'n ti, ke i sran-mmla o nin sran kwakwa lie'n se'n ti, ke iso nin ye o nin foundi, nanwe atin, aklunjo ba men nun'n ti

Ke o fin ke se be si'a sran-mmla mun, nan se be bu'a be like fi, i so nin ye o fa sa tete yewa'n ba'nti, sange ke o fin ke be seli ke men nga mo i nun sran mun be di be foundi, mo be kwla be kan be klunklo nde, be kwla be so be klunklo like, mo sekunle o nin yale b'a jaso su, i so men mo be wan sran kunde i dan'n ti

Ke o fin ke i dan lika nin ye le ke o fata ke mmla su awa ye o nian sran-mmla mun be suo, ke o ko yo nan b'a mianmian-man sran nan w'a faman ya w'a jaso-man be nga be fa kwale nin sran tete yole be fa be tintin i su be wun'n ti

Ke o fin ke like nga o ti kpa dan yele men mun b'afien janvwe kekle diwa'n ti

Ke o fin ke men unmuan nun nvle mun be yali be wan be kan be sie su yekun ke be te lafi sran-mmla su dan, sran o ti like dan, o le'a gua, bla nin yasua be se. Be wan i so'n ti, like nga ba ko yo nan sran mun b'a nyan alaje, nan aklunjo w'a ba be wun, foundi nun, i so like nin ye be wa yo'n ti

Ke o fin ke nvle nga be wo anyia so nun, be wan be nin like nga be fle, ke "Men mun be Bo Yekun Anyia" be bo yekun be bo mandren nan sran i fondi o nin i sranmmla be kaci ninge mo sran kwakwa i ti wo be bo'n ti

Ke o fin ke nga o ti kpa dan yele ke sran mun be ngba be fa be ti be wle sran-mmla o nin sran-foundi be bo'n ti

Anyia Dan wan ke Nde nga be ken ye'n, o fata ke o kaci ke like mo i denman ye sran kwakwa nian; men kwakwa be kunde be ken; o ye so nan men kwakwula su sran o, men kun i siesiele ninge mun, be bu Nde Dan nga i akundan cen kwakwa, be bo mandren o nin sran mun be fluwaklele, o nin ngwlele klele, be yo man sran mun be dan lika si sran-mmla o nin fondi; ke be ko si be kpokun be yo bleble, men kun nun o, men ngba nun o, man sran mun be ngba be si i so nde: men nga be trannin annuanze dan i ase be nun sran mun o, be nga be wo i sofue mun be bo'no, o fata ke i so sran mun be ngba be si sran-mmla o nin sran-foundi.

Tikle kikli

Sran mun be ngba, ke be wu be o, be ngba be se, fondi nun, sran-mmala nun. Be si akundanbu, be si su o fata ke sran mun be tran'n, be tran aniaan nun tranle.

Tikle 2

Sran-mmla o nin sran-foundi nga o wo Nde dan nun, sran kwakwa kwla fa ye ilie; o le'a ke e ti sran nvle ngunmin, ke e wunnen ti'a kun, e anien ti'a kun, e bo lika ti'a kun, e like sowa o ti i ngunmin, e politikiki angundan ti'a kun, e fin'a lika kun, o le'a ke wie ti sikafue, wie ti yalefue, ke wie mun be osu ti wlengbi, wie mun be osu ti kanga.

I kungba yekun, be kwla'a kpaman sran mun be nun be se'ake nga ti bue nga su sran, nga be wun'en i lie wle'n kpa, be wun'an men nga su o fin o: be kwla'a be se'a so, kanze sran fin nvle ufle suo, se nvle so o le i foundio, kanze i ti wo men ufle i bo o, o nunmen i ti bo nun tile o.

### Tikle 3

Sran kwalakwla, ɔ fata kɛ be sɛsɛ i nguan, be wukɛ i ɔ di i foundi, be sɛsɛ ibobo ba unmuɔn.

### Tikle 4

Be kwla'a be fa-man sran be kaci'a kanga. Sran kanga yole nin i fato ɔ nin i ninge i fa so mun be yowa, ba tanninnin be ngba be atin.

### Tikle5

Be kwla'a be ye'a sran fi like tɛtɛ mun, be wlɛ-mɛn i bisva, be kwla'a be yo-mɛn i ninge nga mo ɔ ye sran finfin, mo ɔ kaci sran kɛ blo nnɛn mun be sa.

### Tikle 6

Lika kwlakwla nga sran kun wo, ɔ fata kɛ be bu i sran, ɔ fin i mmla su.

### Tikle 7

Sran mun be ngba be sɛ mmla mu be nyrɔn; i so'n ti, ɔ fata kɛ mmla mun be wutu be su, be ngba. sran kwlakwla, ɔ fata kɛ be wukɛ i nan sran nun kpakpawa w'a nyɛn-mɛn; sran nun kpakpawa ɔ ti kɛ Ndɛ nga i gblu towa sa.

### Tikle 8

Sran kwmakwla le atin ɔ ko to iboboinvle su jole difuɛmun, sɛ ɔ fin nan be bu i anunnflin i foundi-mmla su, foundi-mmla nga be klɛli i fluwa nga be flɛ i kɛ "mɛn i takawa i bo fluwa".

### Tikle 9

Be kwla'a be tra-man sran ngbɛn sa, be kwla'a be wlɛ-mɛn i bisua, be kwla'a be tu-mɛn i mɛn kun su ngbɛn sa.

### Tikle 10

Sɛ be sanman sran, nan ndrumun tran nun, ndɛ nga ti yɛ be sanman i, ɔ fata kɛ nzraa nun, nanwlɛ nun, jole difuɛ mun, be nga be ti nun-man sran fi bo'n, mo be ti nanwlɛ sran, be yɛ ɔ fata kɛ be kɛn i so ndɛ liɛ nion: be yɛ be kwla se kɛ sɛ ɔ wo i ndɛ fɛ su o, sɛ kusuman, nzanman mo be sanmanin i, ɔ ti atin su o.

### Tikle 11

Sran kwla nga b'a sɛnmɛn i ndɛ kun ti, kɛ be nian kan ndɛ mo be nian bu-man, i so fuɛ'n be kwla'a se'a kɛ i ndɛ yo'a fɛ. A wun kɛ be kwla be se so, san b'a di jole, be ngba be ngba be nyrɔn, ato a wlu'a nun, be nga be ko jren i sin i ti kplile b'a jran.

Be kwla-man be bu-man ndɛ be guɛ'ɛ sran kun su; sɛ ndɛ ti yɛ be sɛnmɛn i, i nun nga ɔ fa ye sa son, mmla wie fi, i nvle liɛ su mmla o, mɛn nun mmla o, be bu'ɛ i so like liɛ'n kɛ ɔ ti like tɛ. I ng'o wuka su, yeɛ kɛ alamandi nga be fu i, bisua nga be wlɛ i, be nuan kwla'a tra-man nga be fa be yo i so titi'n

### Tikle 12

Be kwla'a be wla-man be nuan sran kun i awlo nun ndɛ mun be nun ngbɛn, i awlo nun

nde i tranwle, i fluwa nga ɔ kle'n, i fluwa nga be kle i, be kwla'a be ken'en i wun nde ngben, be kwla'a be saci i dunman ngben. I so ninge lie mun be ti, ɔ fata ke mmla mun be sasa sran kwlakwla.

#### Tikle 13

Sran kwlakwla ɔ kwla wlanwlan sin, nvle kun nun, lika nga ɔ klo ke ɔ tran'n ɔ kwla se ke wa ye n klo ke n tran.

Sran kwlakwla ɔ le atin mo ɔ jaso nvle kun su ko lika nfle; ɔ kwla jaso ibobo nvle lie'n su, kpokun ɔ kwla se i sin ɔ ba i nvle lie'n nun yekun.

#### Tikle 14

Se nvle kun su be kle sran kun yale, sran so'n ɔ le atin ɔ ko mantan nvle ufue mo ɔ kwla so i nun on.

Sange i so atin lie'n, wo nga a ye sa tete mo ɔ ko-man Men b'Anyia be nde lie su'n, wo nga a ye i so sa te mo fata ke be sanman wo'n, sa kpa, a kwla'a a jren-meen i so atin su kan-man nde.

#### Tikle 15

Sran kwlakwla ɔ le atin mo ɔ nyen i aulie nvle

Be kwla-man be se-man sran kun ke, ɔ fin ande a le'a aulie nvle wie kun, i sa so ngben; kusuman, se sran kun wan ɔ kaci i aulie nvle, ɔ le atin kaci.

#### Tikle 16

Ke be ko nyin yasua kun ɔ nin bla kun, be le atin be ja be wun, be taka be awlo; ɔ fata ke nde ke nvle ufle nun sran, men ufle nun sran, like sowa wafa ufle sran, ɔ fata ke i so angundan wlu nun. Be aja nun, be nyon be se; be nun kun se'a ke ɔ tin kun su: i ble nga be ja o, ke be titi aja nun o.

A wun ke be ja'n, uun be nyon be nuan w'a yekun, be klun klo su.

Awlo bo ɔ ti ke ananganman like sa, ye ɔ ti nvle kun su sa i olui nion; ɔ fata ke nvle ɔ nian su ke i nyima sa, ke awa wuke i.

#### Tikle 17

Sran kwlakwla, i kungba anze, ɔ nin sran ufle mun anze, ɔ kwla le i ti bo nun like.

Be kwla'a le'a sran fi i ti bo nun like i sanun.

#### Tikle 18

Sran kwlakwla ɔ le atin mo ɔ bu i ti bo nun angundan, ɔ nyen i klun nde, ɔ kwla so i like wafa nga ɔ klo i'n; ke ɔ fin i le kusuman, se i wan ɔ kaci nan ɔ so like ufle'n, se i wan ɔ bu akundan ufle'n, ɔ le atin ɔ kaci. Se i wan i klun akundan lie'n, i like sowa lie'n, se i wan ɔ bo be jo, i ba kungba o, ɔ nin sran ufle mun o, ɔ le atin ɔ bo be jo; se kusu i wan ɔ ye i like aswre nun, ɔ le atin yo. I kwlaa ngo'le, ɔ kwla kle i fluwa nun, ɔ kwla yo like kwlakwla nga fata ke ɔ yo; sran fi kwla'a tannin i atin.

#### Tikle 19

Sran kwlakwla ɔ le atin ɔ bu i bɔbɔ ti bo nun akundan, ɔ ken i klun nde nga i wan ɔ kan'n. I so i sin yeke ke se ɔ ken i klun nde'n, be kwla-man be kle'e i yale; i sin nin yeke ke ɔ le atin kunde nde mun be tile; i kusuman kwla bo nde ɔ nin nzebua mun be jo kle sran mun; like kwlakwla nga ɔ kwla fa bo i so jole lie, ɔ fa bo; ɔ nun-man i ti nun kaan ke awe wo nvle mun b'afien.

#### Tikle 20

Sran kwlakwla ɔ le atin ɔ nin sran ufue mun be ya anyia; ɔ kwla wlu anuanze nga ɔ ti'a nzaje anuanze nun.

Be kwla'a be mianmian-man sran kun ɔ wlu-man anuanze kun nun.

#### Tikle 21

Sran kwlakwla ɔ le atin mo, i bɔbɔ i nvle lie'n su, ɔ tran awa i juman be ti, se nen i bɔbɔ trele sa, ɔ kwla yo i janunfue.

Sran kwlakwla ɔ le atin, nan ndrunmun kan tran nun, mo di i bɔbɔ i nvle'n su awa juman.

Nvle kun su i sran unmwah mun, be ye be man nvle so i su gbengben be fangan. I so'n ti, ɔ fata ke be yo manwe nun vote, nan sran mun be nde nga ɔ wo be klun, b'afe i so b'a kan vote'n le nuan; ke i nuan ko ju'n, ɔ fata ke ɔ sen i wun; sran ngba vote o, aswre vote o; i kwlaa nga ɔ yo ɔ, vote i yowa, nan mianmianle tran nun, sran kun i klun vote ye ɔ vote ɔ.

#### Tikle 22

Sran kwlakwla, ke mo ɔ ti nvle kun su sran'n, ɔ fata ke ɔ nyan awa sran anwukalelike, ɔ le awunnyanmblusue atin, awasranwukale atin, be nyin su yiyile ninge atin; i so ninge mun ye be ti sran kwlaa cinjin, be ye be yi sran i sran lika nglo ɔ, be yo i foundi-mmla be dan; i so'n fin nvle kun i mandren bowa nun, ɔ fin men mun be wun wukawa nun, ɔ fin nvle kun i siesiewa nun, ɔ fin nvle kun i nun anyanbewun ninge mun nun.

#### Tikle 23

Sran kwla ɔ le atin mo ɔ di i bɔbɔ i klunklo juman, juman i fa diwa ɔ nin i akatua be ti i klunsu; ɔ fata ke be nian i su, nan man ɔ tran sa ngben ke ɔ nyan-man juman

Sran kwlakwla i juman nga ɔ di, i su sika ce ye ɔ fata ke be men i ɔ, ɔ le'a ke sran kun ɔ le i akatua, sran kun ɔ le i akatua

Sran kwlakwla, ke ɔ di juman'a ɔ fata ke i akatua nga be tue i'n, ɔ ju i bɔbɔ, i yi ɔ nin i mma mun be wun siesiele ke ɔ fata ke sran fa siesie i wun sa. Se akatua so'n ju-man, awa wuka suo ɔ yo ye.

Sran kwlakwla ɔ nin i wiengu mun be kwla be taka jumandile anuanze, sran kwlakwla ɔ kwla wlu i so anuanze lie nun ɔ fa kpili i like nga ɔ lo i i ti.

#### Tikle 24

Sran kwlakwla, ke ɔ di juman'n, ɔ le atin ɔ lo unmien, ɔ le ble wie ɔ ɔ yiyi i nyisu ɔ. ɔ fata ke do nga mo ɔ fa di juman, nan ɔ ce ngboko; ye afue kun nun i ble mo ɔ di'a juman, ɔ fata ke be tue i kale.

#### Tikle 25

Sran kwlakwla ɔ fata kɛ i sa nun yo fɛ nan w'a kwla w'a ye i wun ayre, w'a kwla w'a siesie i wun, i bobo nin i yi nin i mma mun, kɛ ɔ ti kɛ alie dile lie'n, trale wlawa'n, lawle'n, be wun ayre yele'n, ble mo ɔ di'a juman'n, mo ɔ to tukpakie'n, se ɔ kwla'a nun'n, se ɔ wo angbeti nun'n, se w'a yo oke'n; sa yale kwlakwla nga ɔ to i su mo i sa nun a wie'n, ɔ fata kɛ awa wuke i.

Blata ɔ nin ba kangan mun, ɔ le be wukale lie'n mo awa wuka be ɔ. Ba kangan kwlakwla, kanze be wu be gua su o, kanze be wu be aja nun o, be kwlakwla ɔ fata kɛ awa sasa be.

#### Tikle 26

Sran kwlakwla ɔla atin mo be kle i fluwa. Sran fluwa klele'n, kɛ ɔ fa ju kɛ sua blu su'n, sika tualɛ nun-man nun. ɔ fata kɛ ba kangan mun be ngba be ko suklu, be nun kun le'e ti kɛ ɔ ko-man. Sukln nga be kle blale juman nin juman dile nun, i so suklu'n, ɔ fata kɛ ɔ tru; suklu dandan mun be nun wlule i atin, ɔ fata kɛ be tike man sran kwlakwla; be kpa'a sran mun be nun, sran kun ɔ nin i like lie mo ɔ kwla yo ɔ.

ɔ fata kɛ fluwa klele ɔ yi sran i sran lika i nglo, ɔ yo man sran mun be bo nyan, ɔ yo man be nyin yi sran-mmla mun ɔ nin foundi-mmla nga ɔ ti foundi-mmla be bo'n. Fluwa klele ɔ fata kɛ ɔ yo man ndidie ba sran mun b'afien, ɔ yo man sran mun be yaci sran kun nun ɔ yo i klunklo ninge, man janvue dile ɔ ba men mun b'afien, sran nvle mun b'afien, like sofue mun be wafa b'afien. Fluwa klele i kungba yekun, ɔ fata kɛ ɔ man "Men mun be Bo Yekun Anyia" be ninge nga mo be yo mo alaje ko co mon nun.

Sie mun ɔ nin nien mun, be ye ɔ fata kɛ be kunde fluwa i klele wafa nga ɔ nin be mma mun fata ɔ.

#### Tikle 27

Sran kwlakwla ɔ le atin mo, i nvle lie'n su ninge mo ɔ ti kɛ be nyin su yiyiwa ninge, be sa ti ninge, aguin ninge, ɔ le atin ɔ ye i so ninge wie, ɔ le atin ɔ di su wie; ɔ le atin ɔ wuka be yo be nyrun kole ninge mun; afin se mblusue fite su, ɔ le atin di wie.

Sran kun, se ɔ di i be nyrun, kole aguin juman, ɔ klei fluwa, ɔ di aguin nan se i duman fite su ɔ, i mblnsne fite su ɔ ti ilie.

#### Tikle 28

Sran kwla ɔ le atin ɔ kunde kɛ sran mun b'afie, men mun b'afien ɔ ye floloo, i so nan sran-mmla ɔ nin foundi nga be kan be nde Nde nga nun, b'a su mma.

#### Tikle 29

Sran kun, ɔ fata kɛ ɔ yo like men i nvle mo i nun ye i bobo ɔ kwla di i foundi, ɔ kwla bo nyan.

Sran i sran-mmla nin i foundi su dile ɔ le'a awielie ufle, san awielie nga i nve su mmla mun be sieli kɛ ɔ fata'a kɛ sran kun i sran-mmla nin i foundi su dile ɔ tannin sran ufle mun be lie atin. I so nin ye man be kwla fa atin ndenman kpa su, aunjoɛ ɔ ba nvle nga mo i su kpen siele ɔ wo sran kwlakwla sa nun nun.

Sran-mmla nin foundi ng'ole be kwla'a fa-man be yo'a like fi mo ɔ kaci i sin si Men mun be Bo Yekun Anyia be atin lie'n

#### Tikle 30

Awa kun, sran akpasua, sran kun, be kwla'a be jran-man dε nga i nun tre ba kun su  
be se'a kε be le atin mɔ be di juman wie, be yo ninge wie mɔ ɔ ti sran-mmla nin fondi  
nga be wo yε be sakiwa.